

道法會元卷之一百八十

面二

道法會元卷之一百八十

上清五元玉冊九靈飛步章奏祕法

章式第二

式者書治封印格式也

一泰玄都正一平炁係天師某治某炁祭酒

正一姓名稽首頓首再拜

今按前階不用姓

二上言謹按文書某鄉貫男女甲乙年紀戶

口

三恩惟太上分別求哀臣愚

云云

誠惶誠恐

四安以聞與再拜相去一寸下窮者別牘與

臣姓平頭

五比牘安臣姓與太歲平頭

六比牘安太清五十二字三寸書之今按五十二字

當五寸書之二十三字即三寸書之

七比牘安太歲月日時於某處鄉里拜上

八後讓三牘若不滿三牘以別紙接之

面二

九書章紙上讓八分正書中界亦分法則

十書章法依前法不妄讓牘界按此只後讓三牘似

無空
三行

右正一上科十條

已上十條安讓界牘生造任意自作一法
準五刑科論五刑者謂輸天治覆屋茅三

千束也

十一章書勿得著床席勿令衣拂著章

十二書章紙筆硯墨必使淨不得穢汙雜用

十三書章磨墨左右轉各四十九止

十四書章筆點墨各七回不得口含筆毫

十五書章不得閑論他事

十六書章法水當令清澄

十七書章不得以筆點水向磨墨上

十八不得有所飲食當閉口書之或含沈香

亦好

十九不得有一不淨人入室身經殘穢書章

不得犯房色事

二十當盥漱手巾洗浣令清

二十一不得敗字字不成者不合止

二十二紙勿使破裂漏筆

面二

二十三不得令章并紙飛落地上二不復堪用

二十四飲食葷穢不得仍書

二十五不得書穢汙不淨之事

右正一中科十五條

已上十五條穢慢不精犯三日
論三刑者掃道路橋梁三十日

二十六當整理衣服不得裸露

二十七當匍匐恭敬不得蹲踞

二十八脫字皆將白粉雌黃治之

二十九已成先陰讀校一遍

三十不得攙安書字

三十一不得令他人盜讀章文

三十二不得預下太清階日時臨奏安之

三十三道士書細字齋主束帶請章

三十四齋主請章三叩頭三搏頰三起三下

合九止

三十五齋主對章叩頭至奏竟當心自祝願
隨事陳述

三十六奏章竟齋主謝章扣搏如初請法

三十七齋主有病危急迎師到師前扣搏三
十二止

三十八齋主扣搏竟立師前說疾病急事狀
勿坐而忘

三十九師至齋主家齋主男女並叩搏不得

四按坐相翫

四十齋主詣師上章齋信并香紙不得就師

求乞也

四十一師到齋主家當盡心營治章事不得
妄托懈怠

四十二詞主重病當依科列詞跪願多少隨
貧富也

四十三詞主重厄乞跪蒙恩即日輸還不得
逋延

四十四師當隨齋主心依科跪願不得逼制
以輕作重

四十五章奏當清靜不得雜亂穢觸言辭謬

錯

右正一下科二十條

已上二十條違犯錯謬請者不敬為師不
恭致使奏聞不達致疾病不愈災厄不免
詞主與師並
坐三刑科論

泰玄都高於上言一字

上言字上空八分下不通走蟻

書章不得露鬼神之神字

臣字不得在行頭

誠惶誠恐至再拜不得破行

以聞去再拜三行

今按正一上科云以聞與再拜不相去一寸下窮者別續與臣姓平頭今章式以聞字低前一行字正此意也低寫所以續再拜之下若曰空三行恐非

不垂生露死及抽破人姓名在下在上為露

頭跣足

秦玄都前不空行約紙首至一行書之

一云一寸半

面二

四

太清去臣姓三行

太歲去太清三行

若至太歲紙盡可全紙續

章紙高一尺二寸

章紙不得過七幅

每幅不得過十二行

每行不得過十七字

侵慾書章穢炁盈章

書章之具濃煎桃皮竹葉五節清香白紙重
熏之

書章於靜室勿見一切仍燒香於几右

右書章玄科十八條

大章本式

借靈寶大法總治幽明品
素車白馬章書於此式

泰玄都正一平炁係天師某治某炁祭酒盟

咸具位行九靈飛步章奏事小兆臣 某誠

惶誠恐稽首頓首死罪百拜 作一行書

上言臣謹按

玄科先據 鄉貫具齋意正薦附薦或普薦並全書

外齋法信投臣乞為進拜

西二 五

天官拔贖濟度朱章仰祈

道力俯拔亡魂臣切慮冥關未啓亡魂難

離重泉陰曹拘留罪魂無由濟度臣以凡

愚未諳

教法叨參治錄敢怠關騰茲奉皈投理難

抑塞謹爲伏地拜章一通上聞
三天伏惟

太上無極大道

太上師尊上官典者

垂慈省理臣謹爲上請素車白馬大將軍

一人官君將吏一百二十人東華青宮九

龍符命使者一十二人又請泰玄君一人

官將一百二十人主知一切魂魄繫閉所

在或長論三塗名書六天乞爲度脫重請

仙官大歷君一人官將一百二十人治西

水宮重請泰玄直符齋持

上玄符命告下

十方三界無極神銀鼻曲之府北都羅酆
水火罪錄三官九署百二十曹酆都內外
宮洞三十六大地獄阿鼻無間地獄五寒

之池大小鐵圍山考掠地獄五嶽九州十

二河源地獄九幽地獄五帝考官五嶽掾

吏巨天力士執罰神兵司命司錄司功司

殺主考主罪主非主獄天門亭長賓友僚

屬三界六洞主事大魔五道都府冥冷泉

幽長夜鬼官主役主者普令知委稟奉
三天符命疾速部衛新死故亡一切罪魂
徑離地獄永辭長夜覩見光明焚除罪簿
落滅惡根使冤債以消鎔俾亡魂而得度
來詣法會領諸善功咸沐

面二

六

殊恩以爲效信恩惟

太上分別求哀臣愚謹因二官直使正一
功曹左右官使者陰陽神決吏科車赤符
吏罡風騎置吏驛馬上章吏飛龍騎吏等
官各二人又因今年直神某從官十四人

符吏天良二人今月直神某今日直神某
今時直神某操臣謹為某拜上

天官素車白馬寶章一通謹謹上詣

太上某宮某曹治宮伏須

告報臣某誠惶誠恐稽首頓首死罪百拜

以聞

空三行

臣姓某屬某府某縣某靖焚修

太清玄元無上三天無極大道太上道君太

上老君太上丈人天帝君天帝丈人九老仙
都君九炁丈人百千萬重道炁千二百官君
太清金闕七寶玉陛下

祖無金闕七寶四字按此六十字難拘三
寸宜依留冲靖法只細密楷書作一行以
短為妙也

空三行

面二

太歲某甲子某年某月某朔某日某辰
於某時某處拜上

空三行

紙盡添紙一幅續之

中章本式

借正一旨要言
功章書為此式

泰玄都正一平炁係天師某治某炁祭酒正

一盟威弟子

泰玄都下隨所
編法位不拘

小兆臣

某誠

惶誠恐稽首頓首再拜

元無頓首二
字今宜用之

上言臣謹按文書某州某法名某年幾歲

臣夙緣有慶得奉

清真叨預道流誠用罔極處身塵境受染

多端不自揆量貪生樂活蒙師賜受

太上真玄正一盟威下元法籙將軍吏兵

元命真人三會吉日一言述一步知進

二步知修以致長生誠自歡樂臣愚閉塞
不解科戒諸所施爲無功可錄又多違犯
禁戒動止不順罪咎彌積招延考炁自頃
年以來夢寐顛倒精神昏迷百魔撓亂四
大不和驚懼前後奉行道法爲人爲己齋
醮行持禁水治病考召萬事未合功賞遷
違又恐身有三災九厄以今吉辰謹自伏
地貢章一通上詣

三天曹願爲臣三旄建節左右陰陽功曹
四時八節五行令屬三功曹斗中命籍君

吏斗中真人赤白湧泄君吏九炁丈人建
召君吏内外文武將軍等并所居宮觀或
住處及經行所歷州縣府鎮水陸真官考
召官吏并天考地考熒惑中化捕祇君吏
等有功勞者吏兵官屬一功爲言功諸君

面二

八

言功三百等將軍言功二百等吏兵言功
一百等士卒悉言功五十等並隨今章表
上詣不用今表
二字亦通中官謁受便曹隨職加其
秩位如常科次無令遺脫失意恚恨之者
願免臣身所有災厄並乞度脫所有疾病

當願消除千罪萬過一切原赦賜臣身得
長生除去魔俗道炁隆輔五臟六腑堅壯
耳目聰明天覆地載長生神仙度脫衆苦
永居福慶九玄先亡普蒙遷擢後會吉日
依常舉遷恩惟

大道分別哀原臣愚謹遣二官直使正一
功曹左右官使者陰陽神決吏科車赤符
吏罡風騎置吏驛馬上章吏飛龍騎吏等

官各二人出

祖無飛龍騎
吏字宜審之

操臣以今某月

日某會吉辰拜上言功謝過章一通上詣

某宮某曹治某宮伏須

告報臣誠惶誠恐稽首頓首再拜以

聞

空三行

大臣姓某屬某鄉貫某靖焚修

面二

九

空三行

太清玄元至太清玉陛下

空三行

太歲年月日辰某時於某處拜上

空三行

小章表本式

借正一修真玉經謝太
陽章表書爲此式

泰玄都云云法位臣某稽首再拜臣某言肉

質凡愚遭逢

道化已於某年月日於某師門下拜受

正一盟威祕籙二十四階品自佩受以來

或恐朝禮愆期香燈闕絕威儀簡墮一生

以來邪媮疾穢千罪萬過積累幽司累考

九祖父母克罰生人殃流宗裔即日惶惶

罔知生理謹依本法女青玉匱謝罪科文

章一通上詣

日宮日君月宮夫人日中皇華洞明洞靈
炎光童子散輝玉女月宮神僊但某心志
玄微未通幽妙所有違科越禁愆犯重殃
並乞

原赦令某七代先祖父母兄弟得離幽爽
不爲證質學道遂心五臟調和經理營衛
百神扶衛福慶流注滋漑子孫善增千嗣
謹因某節之日天地攢會之辰二官使者
上送伏地拜上謝罪精思表一通上詣

三天門下伏須

告報臣某謹稽首再拜以

聞

太歲年 月 日 時某州縣鄉里

某住舍某靖拜章上詣

西二

十

泰玄都左宮太陽帝君 几前

按玉經云書法並依章儀然章行十七字

表行二十四字考之科法只平頭起章若

奏狀式即無列字空行之明文詳觀前式

可見矣若上日宮月府南北斗表章並如

此式又以北斗玄靈章式參之尤得詳審
或曰名為章當依式排字空行若是表則
但依此式似亦是據玄靈參言之然古法
齋儀六幕只用疏今皆用表蓋祖法中有
啓玄表之字但表式不同宜審之

大表式

如齋科言功朱表用黃緇一丈二
尺高一尺二寸朱界朱行每行二
十四字餘
同章法

具錄法位臣姓某誠惶誠恐稽首頓首再拜

上言

太上無極大道至真自然金闕下臣云云
詳述表

詞端謹
書寫 恩惟

太上衆尊分別哀原臣愚謹因真官飛仙

直使正一功曹左右官使者陰陽神决吏

科車赤符吏罡風騎置吏驛馬上章吏飛

面二

十一

龍騎吏天仙騎吏各二十四人操臣謹爲

某乙某事拜某朱表一通上詣

太上某曹治伏須

告報臣誠惶誠恐稽首再拜以

聞

空三行

臣姓某屬某鄉某處某靖焚修

太上無形無名虛無自然至真大道無上元

尊金闕七寶玉陛下

三寸書之

空三行

太歲

式同前

空三行

今按中表亦依此式所以上勾陳東極南

極北極太一諸天帝尊者也已上章表諸

式係檢尋法中定式欲造章表詞文惟在
質而不文詳而不瀆簡而明法曰能以經
句集為成規於道無嫌宜以古科及經法
為據

近世如海瓊白先生所
撰數章似涉蕪慢

封章式

圓封

用全紙一幅令紙周
三重為則上用黃簽

太清金闕七寶玉陛下 具位臣姓某謹內封

方函

謹 謹 上 詣

太清金闕玉陛下

請進具章奏法位臣姓某謹重封

右函用白紙上題額一云鳳凰闕下請進
一云金闕崇樓殿請進

木函 蠟池蠟印三 青線 條封

簽額

條封用黃紙或用黃絹作細條比曲如函

西二

十二

長上下具臣某上具位約以名在蠟池中

以青線繫定交結便用條封次貼僉額然

後加蠟印僉額用黃如方函上額題云

臣謹奏為某甲某事拜上某章一通謹謹

上詣某曹某某官請教心 闕 公 事 五

太上某曹治某宮請進以

聞

分作五行書

木函上內重方函黃謹謹上詣

正陽天門合同契具法位姓名謹重封

中一重方函黃謹謹上詣

洞華天門合同契具位姓名謹重封

外重方函青謹謹上詣

陽精天門合同契具位姓名謹重封

絳袋用帶精長以黃紙束卷封如法朱書謹臣某封用腰封印

章案用黃羅一丈二尺為衣

正一封章

內圓封同內方函題

太清玉陛下木函青線蠟池蠟印條封

黃額同額題云奉為某甲拜上某章一通

謹謹上詣

某曹治宮請進分三行書

面二

外方函青色謹謹上詣

三天門下引進

太上御便曹治事曹治諸本互有異同今校此為正

正月十二月上詣 太上虛無丈人宮

二月上詣 太上玄老仙都宮

三月四月上詣

太上三天太清宮

五月上詣

太上重道宮

六月七月上詣

太上九炁文昌宮

八月上詣

太上天帝宮

九月十月上詣

太上大道宮

十一月上詣

太上侍中左右監諸將軍宮

閏月上詣

太上玄都宮

太素曹治

初一日建玉曹治赤靈宮

初二日太素曹治太歲微宮

初三日太微曹治北平宮

初四日都正曹治太清宮

初五日正一曹治通明宮

初六日玄一曹治上明宮

初七日太素曹治高靈宮

初八日雲集曹治紫微宮

初九日元靈曹治侍春宮

初十日太清曹治紫靈宮

十一日三水曹治素女宮

十二日司錄曹治上野宮

十三日清叙曹治西明宮

十四日玄正曹治上絳宮

十五日中都曹治典平宮

十六日司非曹治北府宮

十七日司奸曹治南伯宮

面二

十八日統部曹治東明宮

十九日統錄曹治西靈宮

二十日監考曹治司命宮

二十一日監司曹治陽明宮

二十二日典考曹治太陽宮

十四

二十三日司官曹治少陽宮

二十四日玄元曹治太陰宮

二十五日太玄曹治少陰宮

二十六日都司曹治北辰宮

二十七日都候曹治太白金宮

二十八日直使曹治林明宮

二十九日司直曹治陽明宮

三十日集都曹治啓明宮

玄都上章律曰章到官曹每須
心想依月日所至不得踈失

道法會元卷之一百八十

